



9. oktober 2012

Inatsisartut suleriaasianni § 37 imm. 1. aallaavigalugu Naalackersuisunut apeqqutit:

- 1. Aalisakkanik tunitsiviit Arctic Green Food A/S-p ingerlatai aqqaniliusut taamaallaat pingasut ammaneraneqarput 28 septemperi uanga apeqquteqaatinnut tamanna Naalackersuisut oqaatigaat. Allappullu tamanna pillugu Arctic Green Food A/S ataatsimeeqatigineqassasut. Ataatsimeeqatigiinnermik neriorsuut qanga piva aammalu qanoq angusaqartoqarpa?**
- 2. Ullumikkut Arctic Green Food A/S –p Tunitsiviit ingerlatai ataatsimeeqatigiinnerup kingorna, (taamaattoqarsimappat,) taava qassit tunitsiviit ullumikkut ammarneqarpat , aammalu qassit sulii matoqqappat?**
- 3. Ullumikkut Napasumi tunitsivik ammaqqissimasoq paasigakku, tamanna ataavartumik ammaassinerua aammalu qanoq ullumikkut ingerlatsisoqarniarpa?**
- 4. Maniitsumi tunitsiviup matuneqarsimanerata kinguneranik aalisartut atugaat ullumikkut aamma naammagineqanngillat Kangaamiunut tunisiartortariaqartarput tamannalu aningaasartuuteqarfiusaqaq orsussatigut aammalu aalisakkat pitsaasuunissaanik anguniakkamut naapertuussorinarani, silami aamma apeqqutaasaqimmat. Maniitsumi aalisakkeriviup ammatinneqartuarnissaanik Naalackersuisut pilersaaruteqarpat?**
- 5. Naalackersuisut Arctic Green Food A/S-mut 11.mio-nik isumaqatigiissuteqarsimanerat ullumikkut qanoq ingerlava? Isumaqatigiissummi suut piunasaqaataasimappat ? Isumaqatigiissutaasoq naapertorlugu ingerlasoqarpa?**

(Inatsisartuni ilaasortaqaq Ruth Heilmann, Siumut)

#### **Tunnngavilersuut:**

14. septmber 2012 Naalackersuisunut § 37-ikkut apeqquteqaatinnut akissuteqarnerat matumuunakkut erseqqissaasoqarnissaa siunertaralugu apeqqutikka ingerlatippakka. Soorunami kissaatigalugu piaartumik Naalackersuisut akissuteqarumaartut.

Aalisartut tunitsiveqarnissaat ilaqutariit aningaasaqarnerannut isumalerujussuuvoq apeqqutaanani nunaqarfimmi illoqarfimmiluunniit najugaqarneq. Tamarmik naligiimmik periarfissaqartinneqarnissaat pisariaqarpoq, tamannalu aamma pisinnaatitaaffigaat illoqaramik akilersugassaminnik, ilaqutaqaramik pilersugassaminnik, aammalu umiatsiamik ingerlatsineq imaannaasangimmat atortussat akisusaqaat aammalu akiligassat takkuttuartartut akilerneqarnissaminnut utaqqisiinnarneqarsinnaanngimmata.

Qaammatit sisamarsuit imaluunniit sivilsoorsuarmik tunitsiviit matoqqatitaasarnerat aalisartunut ilaqutaannullu toqqissisimajunnaartitsisarpoq tamannalu annertunerpaartaatigut pinngitsoortinneqartariaqarpoq.